

IN FVNERE
 REVERENDISSIMI PATRIS
 FR. GREGORII
 DONATI ROMANI
 S.P.A. MAGISTRI
 LAVDATIO
 MATTHAEI TABERNAE
 SOC. IESV.

*Habita in templo B. Mariae supra Mineruam decimotertio
 Kalendas Iunij altero ab obitu die anno 1642.*



ROMÆ, Typis Heredum Francisci Corbelletti. MDCXLII.
Superiorum permisso.

61.19

THE
GEOGRAPHICAL
MAGAZINE
AND
STATISTICAL
REVIEW
OF THE
EMPIRE
AND
OF THE
CIVILIZED
PARTS OF THE
EARTH
PUBLISHED BY
J. G. ALLEN
AT THE
OFFICE OF THE
PUBLISHERS
No. 10, NASSAU ST.
N. Y.



THE
GEOGRAPHICAL
MAGAZINE
AND
STATISTICAL
REVIEW
OF THE
EMPIRE
AND
OF THE
CIVILIZED
PARTS OF THE
EARTH
PUBLISHED BY
J. G. ALLEN
AT THE
OFFICE OF THE
PUBLISHERS
No. 10, NASSAU ST.
N. Y.

3
EMINENTISSIMO PRINCIPI
IVLIO ROMAEO
S. R. E.
CARDINALI
AMPLISSIMO

MATTHÆVS TABERNAF.



INTER umbras nocturnas ad bychnum concepta, ad faces emortuales parva laudatio, parentes amabat tenebras, hoc uno laudanda, quia suae conscia imbecillitatis obfuturam lucem declinaret. nolebat in apertum proferri, quod eam inter angustias pressa tumultuaria quaedam festinatio fungino partu effudisset; verita ne properantis nimium manus abortivum opus legentis oculos auerteret potius, quam teneret. at quando multorum precibus aliorum imperijs coacta non sine Autho-

*ris dolore in aspectum euocatur, & solo obsequen-
di studio laudem sperans efferrī se tandem
passa est, sed velut animo vacuum cadauer ad
funus non tam Gregorij Donati, quam suum;
quod ne molestia sit omnibus Purpura tua*

Plotin Bru
to.

*Eminentissime Princeps ex veteri Romano-
rum instituto conuestio, illique à tuis gentilitijs
Rosīs certam auguror perennitatem, quando*

Anacron.

*Rosa καὶ νεκρῶς ἀμωμὴ hoc est mortuos propu-
gnat; Quo fiet, ut Sapientissimi Viri virtus
mea alioquin laudationi quam primum immo-
ritura, tuo ab nomine, nominis immortalita-
tem assequatur. Interim P. E. primum hunc
informem, & infelicem ideo, quia præpropera
nimis editumne an extractum celeritate, mea
partum tenuitatis, tuo felicem redde patrocinio,
eumque, ut me soles, fove, & ad publicam
felicitatem diu Vale.*

LAVDATIO



VCVLENTA feraliter
isthæ pompa, & ipsis in
lachrymas diffluentibus ce-
ris splendide luctuosa, fa-
ces contextos inter, ac pen-
dulos umbrarum horrores
emortuali luce trepidan-
tes, squallida demum vni-

nerfa silentis theatri facies, ita me eripit mihi,
vt conceptos animo sensus aperire vix possim.
Si vna loci insolentia disertissimum olim, & re-
bus omnibus ad dicendum instructissimum Ora-
torem Porcium Latronem dicere aggredientem,
cousque perturbauit, vt initium suæ duceret Ora-
tionis ab errore. Quid ego inexpertus, nunc pri-
mum in solem prodiens, seu potius in umbram,
in noctem melius dixerim tot stellarum luride
scintillantium luce nigriorem repentinus, & im-
paratus non Orator, sed Oratoris umbra non pec-
cabo? Equidem nec tam repentinus esse, nisi
iussus, & silentio potius, quam Oratione pecca-
re voluissem. Verum quando tantam calamita-
tem deploraturus conducta velut præfica euocor
ad tumulum, vbi tacito lachrymarum honore
parentare non licet dabo laudes dabo etiam si li-
cuerit

Senecæ, con-
tra liberos.
pro Quinto.
lib. 10. c. 5.

Thesil. 22.

cuerit lachrymis, et si nesciam utræ mihi sine
 magis in procliui; dabo laudes, sed lachryman-
 tes, dabo lachrymas, sed laudatrices, ubi enim
 vel ipsæ emortuales tædæ flammeis linguis elo-
 quenter perorant, silere linguam nefas est. Quod
 si eloquentiam natura negauit Oratori, nonnul-
 lam facultatem tribuet Gregorij Donati virtus,
 in qua commemoranda ne infantissimo quidem
 deesse poterit Oratio. Viuidum verò Orationis
 splendorem, tot inter tenebras, viuacioris di-
 ctionis spiritus mortis inter suspiria, luxuriantis
 eloquentiæ flosculos in Libitinæ senticeto, orna-
 tum in squallore, pompam in luctu qui quærit,
 nouerit is discincti pectoris esse in serijs aucupari
 voluptatem, quâdo Veneres ipsæ, quæ funeribus
 olim ornamenta suppeditabant, in lachrymarum
 oceano pro thalamo tumulum naufragæ nanci-
 scuntur. At vnde lamentabilem, & luctuosam
 commendationemne an nœniam ordiemur?
 Sanè vnde vitam exorsus est Gregorius, vt exor-
 dio vitæ, mortis exodium componatur. Vnum
 interim hoc meminisse vos omnes velim AA.
 veri doloris legem esse, legem omnem nescire,
 & artem maximam, nullam artem vsurpare.

Plut. in
 probl. m.

Plut. quasi.
 Rom. q. 2 j.

VVol. l. 1.
 In fine orat.
 c. 10. & 12.

Atque vt in primo dicendi limine primas Ora-
 torum leges transgrediar, fumosas in tanto viro
 maiorum imagines, antiquas omnes ceras, lon-
 gum sanguinem lubens omitto, gratum (vt opi-
 not)

nor) illi facturus, qui Deo se dignum ut fingeret, Virg. Bucid. l. 3.
 autum gentilitiæ lucis exosus splendorem elegit
 abiectus esse in domo domini. *Qui enim genus* Psalm. 13. 12.
laudat, aliena laudat (aiebat ille.) *nemo, quicum-*
que ille fuerit in nostram virtutem vixit, nec quod
ante nos fuit nostrum est. Si ortum spectes pares
 nascimur, nec purpurata mater perfectiorem par-
 tum effudit quam plebeia. Emendicet ergo alie-
 na decora, qui proprijs caret non sua luceat luce,
 qui terræ vapor est. Ipse sibi sufficit Gregorius.
 Magnus est, illustris est, etiamsi titulos adimas;
 nec tam excors ego, aut imprudens, ut statquam
 basi metiri velim, mendacio staturam exagger-
 ans. Pleno, & suo elogio laudatur Gregorius
 Donatus, cum nominatur.

Senec. in
 here, fur-
 Senec. philo-
 ep. 44.
 Sulpid.

Nobilitatem generis infularum etiam luce
 conspicuam virtutum, & sapientiæ splendore
 æquavit, vicit, ut vel in primo exorientis auroræ
 sublustri crepusculo iure posset cum coronato
 sapientum Rege, & Regum sapientissimo glo-
 riarī, puerum se ingeniolū sortitū planè fuisse Sap. 8. 19.
 animam bonam, quippe qui vel primo in vitæ
 limine sapientiam prius pænè, quam solem no-
 uerat salutare. Testabitur eius amantitatem in-
 genij Romanum nostræ societatis Collegium, in
 quo telluris Atticæ naturam auersatus, cultoris
 admissa manu rudis adhuc flosculus, eos sese eru-
 diuit in fructus, quorum ipsa quoque postmo-
 dum

Xenoph. in
 Vexigallib

dum in senium vergentē arbore : prædulcem ;
 plenamque maturitatem litteratorum vniuersi-
 tas semper adamauit . Videre erat puerum Gre-
 gorium vix rectis insistere gressibus incipientem,
 iam ad eloquentiæ spatia primos passus promo-
 uentem, in ijsque ingenij, iudicijque sui altè im-
 pressa vestigia relinquentem . dixissetis illum iu-
 re optimo rudimentum naturæ Rhetorem facere
 condiscens, & sanè quidni Rhetorem illum ap-
 pellem, qui puer, puerorum crepundia respiciens,
 & naturæ lenocinantis argumenta dissoluens, sibi
 ipsi, quouis Oratore felicius fugam à mundi
 pompis persuasit, sequè suo victum ingenio aper-
 tè professus, non tam manus dedit, quam ani-
 mum chaviratis vinculis coercendum ? trilustris
 enim saniori consilio quam Homericus olim
 Glaucus ferrum auro, hoc est mundum Deo inter
 D. Dominici claustra commutauit . Vbi quæ im-
 maturæ ætatis matura consilia, qui præcoces fru-
 ctus cum ipso flore prodeuntes ? quæ vernabat
 comitas in vultu, quæ severitas tenerum adhuc
 animum informabat ? autumnabat adeò in eius
 annorum vere dictorum, factorumque maturitas,
 vt, præter ætatem, acerbum nihil in eo nosceretur.
 quin imò maturorum adeò fructuum fecundus
 illius animus supra Memphiticos agros visus est
 in ipsa annorum acerbitate, vt futuræ annis ponè
 sequentibus maturitatis nullum posset præsagium
 super.

Homer.
 Illud 4.

Diod. sicul.
 l. 10

superesse . Nec verò tantam felicitatis ingenij facilitatem comes destituit labor , sed quadam , pænè dixerim , laborum intemperantia laborabat Gregorius , qua *ut indefessu vertigo Calum rotat , ut stare sol nescit ita continuatis negotijs , et in se quodam orbe redeuntibus semper exercitus est* , ut nulum planè diem sine lucro traduxisse dici possit , qui nullo non vixit die . & eum quidem Cleanthis ad lucernam sæpius chartis impallescere , & eruditum pulverem ludoris stillicidio irrigare consuevisse , testantur ipsi comparata , breui admodum tempore , politorum simul , & seueriorum ornamenta disciplinarum , quarum complexione multiplici diues nunquam in frequenti litteratorum senatu , vel ipsis coram Roscijs gestum facit illaudatus . Eius nimirum ad omnia natum ingentum siuè mollius in florulentis Rhetorum luderet amantibus , siuè Peripatum inambulet seuerius , siuè Sæctioris Palladis secreta viseret Gynecæa , facilitate mirum quantum versatili , arguta grauib , iucundis seria , dulcia vtilibus permiscebat , alternoque semper consonantium laborū cōcentu gratā Auditoribus , & Pythagorica certiozem dabat doctrinarū harmoniā . Liceat dicere , vix loquens , & iam eloquens , vix adolefcens iam Orator , iam Philologus , iā Philosophus , iam horarū denique , & litterarum pænè omnium vir audiebat . Vnum hoc dixisse sit satis . Gregorius

Senec. de
to 6.

Lat. Patet.

Varr. l. 6. de
ling. lat.

Perf. l. 6. 5

Cic. l. Acad.

Max. Tyr.
dissert. 21.

Quintil. l. 6
c. 4.

ætate quidem adolescens, adultus vero sapientia,
 quinque duntaxat emensus lustra, vnus ex doctis-
 simorum Patrum numero Philosophiæ Magister
 feligitur. Quid hic hæretis A? magnum aliquid
 dixi? Ità planè, sed maius addo. Etiam Deum pro-
 pius contemplantis facultatis Professor designa-
 tur. Ità nē vero? tantam maiestatem ætate tan-
 tula sustinere? Sacra adyta male obfirmato gres-
 su peruadere, & ipsam Diuinioris operis molem
 imbelli, manu pertractare? tantæne animæ capax
 angustum adolescentis pectus? poterisne Grego-
 ri oculo irretorto, & inconniuentibus palpebris
 inaccessam Diuinitatis lucem intueri? poterisne
 Sacrorum ænigmata oraculorum Oediposene
 Iuuenis fortunatior interpretari? poteris sagaci
 mente perstringere ea secretioris sapientiæ myste-
 ria quæ vel lyncibus ignota præteruolant, & nul-
 lis assonant auribus, nullis sensibus blandiuntur,
 nulla demum acutissimæ mentis perspicacitate,
 possunt comprehendi? absiste Gregori, absiste,
 grande nimis pondus est, & cui vel ipsum sæpius
 Atlantum robur depressum succumbat. ruinam
 celsitudini parem metire, & time; qui Cælo la-
 bitur, abyssum petit. Sed meliora omninari lubet
 A, Gregorius in ipso Iuuentutis limine, naturam
 vincens ingenio, apicem tetigit Sapientiæ, & spa-
 tio breui spem longam incohans, Magistri prius
 nomen inuenit, quam quæsiuit, metam in ipsis
 car-

natal. com.
 mycol. l. 9.
 c. 18.

paul. 1. Cor.
 13.

carceribus figens. O Ingenium suprà omnem hominum conditionem planè Angelicum, O pectus (liceat dicere) diuinorum thesaurorum capacissimum. O animum non ficto siderei Crateris liquore, sed veræ sapiëntiæ sincero nectare delibutū. Rodig. l. 1. c. 23.
 O Vos fortunatos Patres, quibus, quamuis non perinteruallaviritim, sed cōtinuo tenore agminatim, magnorum isthæc ingeniorum Monstra, vel ad Naturę inuidiam, scēlici perennitate nascantur, tales tamen viros, non nisi sæculo quouis perpaucos, tanquam ætatis suæ phœnices licet venerari. Sen. ep. 41.
 Laudet Accius proinde in Ingenijs ut Agell. l. 13. c. 2.
 in pomis primam illam acerbitem, tempori nimirum congruentem magis, & securioris prænunciam maturitatis, Gregorius tempora ipsa antevertens à nullo debuit suorum partuum perfectionem expectare, Naturam planè dum nasceretur exhausit, quæ gemellis grauida Gregorium simul, & sapientiam, (quod olim de Catone Valer. Max. l. 4. c. 1.) vno partu enixa vobis omnibus persuasit, ut eum communi suffragio diceretis scientiarum omnium Herma- Cic. ad Attic. l. 1. ep. 3.
 thenam. Vobis vero gratulor Patres quibus inuidenda sorte obtigit, ut inter præcipuas vestras laudes vnam hanc recenseretis, quod eum Præceptorem audistis, quid præceptorem? quod in eo plures præceptores audistis. Plures enim (mihi credite) non animæ dumtaxat, quod olim Hetru-

Virg. 8. Aeo
Agell. L. 7.

C. 17.
Plut. in vita
Cæsar. incio.

Max. Tyr.
differ. 28.

Claud. de
Laud. Stil.
Pan. 1. 34.

Vitruv. l. 8.
c. 1.

ſco in Herylo finxit Poëſis, non corda, quæ Prin-
cipi erudito dedit aſſentatio, ſed plures inerant in
Gregorio ſapientes, vt plures in Cæſarè Marios
nouit aliquândo Sylla, nō quidē ex ſomniantis Py-
tagoræ metempsychosi, ſed ex multiplici rerū cō-
plexione, qua in arctū pænè coacta diſciplinæ
omnium maietas, & multitudo Gregorium in ſe
vno colligentem, quæcumque *altos diuiſa beatos*
efficiunt viuā ſpirantemquē fecit Encyclopædiam.

Nihil addo de meo A, nullam viro ſapienti
laudem appingo nouam, alieni coloris nihil
impertio. Gregorium meraciſſimum ſcientiarum
fontem fuiſſe, ipſam omni genere ſuſiori ſpiritu ſa-
pientiam emedullaſſe, res ipſa pronūciat, vt
non ſit opus laudatione mea, quæ vtinam de Gre-
gorij laudibus multa non demat. Magiſtri mu-
nere expleto, annorum ſex ſupra viginti ſpatio,
vt plura pænè docuiſſe, quam didiciſſe dicendus
ſit, reliquum nil aliud videbatur, quam vt ſuo
præſinito Ordini, ſuiſque debitos meritis digni-
tatum gradus propè omnes occuparet. celliore ni-
mirum in loco conſtituendus erat quo ſuę ſapien-
tiæ, & virtutis admirandum præberet ſpectacu-
lum. Quamobrem Petronio per id temporis
Sacri (vt aiunt) *Palatij Magiſtro* in ſocium addi-
citur. quo in munere Paſſi eius nominis Quinti,
Chriſtiani clauū imperij tunc regentis ſtudioſiſ-
ſimè voluntati, genioque ſeruiuit, cuiusque ad
men-

mentem suam tam exactè animum expressit, la-
neo pede turbas submovens omnes, dura molli-
bus infringens, & benè pertinaci digito occur-
rentium in dies difficultatum nodos suaviter eno-
dans, ut rerum pondera grauiorum suis imposita
viribus sustinere diceretur animo humanū planè
modū excedente. Ab vniuersitatis panè regimine
reuocatus ad suos, Neapolitanam Prouinciam
cognata sibi seueritate rexit adeò, ut nullis vn-
quam precibus in alicuius partem iniqua lance
deflexerit. Quid hic de mentis illius celsitudine
dicam, quæ grandia semper, & sublimia medi-
tans, quippè meliori flamma incalescens, teporem
nullum vnquam in se, vel in alijs admisit? æstua-
bat sæpe afflatus Deo, quia Deum afflatus, & suo
plenus Numine, quicquid vel leuissimè pecca-
batur, acriter emendabat; certus medicos anan-
tes nociturū nihil in ægro relinquere, nec duram
curationem dicendam esse, cuius effectus sit sa-
lutaris. Suo interim omnes, idest æquo, dime-
nsus pede, ita subditos regebat, ut se ipsum,
oculata mente, cæca sapienter manu; nihil in
illo ad mortalis cuiusquam gratiam composi-
tum, qui vni Deo seruiebat, pari in omnes studio
ferebatur, & ad sola meritum discrimina ocu-
latissimus ad reliqua cæcutiebat. Et quamuis à
nullo pietatem postulatorius exactor expeteret,
iunioribus tamen apprime instituendis eius solli-
citè

Hor. l. 1.
od. 9.

Senec. l. 1.
de ira. c. 5.

Horat. ep. 7.
l. 1.

citè defudabat industria ; quicquid quacumque
 via irrepsisset calpæ acri protinus sponsia deter-
 gens , ne bibulis , liquoremque omnem admissi-
 furis animis per lenta stillicidia noxium aliquid
 exciperetur , nullius inde violenti conatus ope
 exprimendū , neminē enim repente fieri peissimū
 longo edoctus erat experimēto , sed tardis tinearū
 corrosionibus vniuersum paulatim robur eme-
 dullari , difficillimæ proindē artis pericissimus
 præprouida cura anteuertebat animorum pericu-
 la , & ipso in semine latentes colubros Hercule
 verius præfocabat. Quamobrem aliquanto se-
 uerior audiit Arcopagita , non inficior , sed in
 augmentum pietatis , sed in perennaturam Or-
 dinis Sanctissimi religionem . Tantum poterat
 honesti species constanti pectori insculpta , vt
 suæ aliorumque pietati consulturus , cognatam
 aliquādò morum facilitatem dediscere videretur .
 Non defuit tamen tanto viro Prudentia , quæ fer-
 uidum pectoris ardorem iucundè temperaret , non
 enim violenter res aggressus in eas subita delibe-
 ratione inuolabat , lingua mentem præcurrente ,
 sed rerum prius momenta discutiens singularum ,
 alienæ magis , quam suæ prudentiæ admirator ,
 omnium admittebat pronus consilia , quin vltro
 depoñebat nullis vnquam asper monitoribus :
 gaudebat , si quem candida dicendi libertate sin-
 cerum Phocionem nactuse sset , splendidum illud

Iun. sat. 4
14.

Scyph. Bell.
Jerrou. in
Scot.

Apollod. l. 1.

Lucian in
Scot.

Hor. in art.
31.
Plat. apop.

Magnatibus familiare malum exosus *nolle doceri*.
 nouerat nimirum ex Eteoclis effato nunquam
 omnia vni, vel perspicacissimo oculo paruisse.
 Comes Prudentiæ, oris, animique candor nul-
 los verborum fucos, nullos subdolos sensus, nul-
 las ambiguitates bilingues labio mendaci admit-
 tebat: mentitus oculus, byssina verba, sermonum
 retia, risus impostor, cōsuti doli, simulata cōsilia,
 fraudulentæ circumuentiones, mirum quantum
 ab illius animo distabant, qui verè Romanus,
 plebeium, & seruale mendacij vitium, viro indi-
 gnum existimans, nihilq; præter Deum ambiens,
 perituros omnes, ex veteri Platonis decreto, cum
 sanctissimo Rege pronunciabat, qui mentem
 vultu simulantes cordis & linguæ concordiam
 labefactant. Quis verò lenem illam, placidam.
 què semper satis explicet morum facilitatem,
 quæ amœnitatem frontis, quæ fiduciam vel ad-
 uersantibus extorquebat, quis gratam oculi sere-
 nitatem, qua vectigales sibi animos comparabat,
 quis erudito sale conditam vocis vrbauitatem,
 qua vel reluctantes in sui amorem mentes deri-
 uabat? æquabili vultus tenore constans, & sibi si-
 milis, ore, oculis idem factum amari nescium,
 barbarum nempè illud de tumore monstrum,
 tanquam latuatum religionis mendacium semper
 est auersatus. Atque hæc quidem debilioris for-
 tasse naturæ signa visa fuissent, nisi tam molli
 obdu-

Euripid.
 Eurip. in
 Phœniss.

Paripar.
 Cyri mart.
 Lucian, in
 in his accuf


Plut. de
 puer. educ.

Plat. in
 p. 51.
 p. 57.

Mamert de
 Iul in grat.
 act. 6. 26.

Euripid.

obductum velamento duriores in calamitatibus
 animum ostentaret. Ità altissima quæque flumi-
 na tranquilla fronte, minimo sono sed robore
 Ver. Sap. ineluctabili labuntur. *Homines quidem sumus*
 (aiebat olim sapiens) *non scopuli,* illusione rerum
 fortuitarum, mouemur sæpe, sæpe labefactamur;
 sed animum Gregorij, si scopulum, si rupem im-
 mortam dixerò, à veritate ne latum quidem vn-
 Merc. ap. guem aberrabo. Quoties minas inter quasi de-
 nihil. cumanis iactatus fluctibus stetit inconcussus?
 quoties irruentium in capitis perniciem, calami-
 Eustath. in tatum impetus sustinuit, & ipsis altior nubibus
 Hom. odys. oblucantes ad latera furores par Olympo risit
 Plut. apoph. Gregorius? Quoties Aristide constantior mole-
 stis æquitatis odoribus non tam nomen, quam
 manus dedit? quoties demum, maleuolorum
 Plut. apoph. (si quos vmquam habuit) rabiem non euitit?
 Tac. Hist. sol nimirum Xerxis sagittas, mare verbera, insi-
 Merodot. dias, conuicia Gregorius æqua indignatione di-
 l. 7. gnabantur, non spartano dixerim animo, sed
 Paul. manut. adag. planè caelesti. Porro Gregorius (vt cætera omit-
 tam) ad pietatem natus, rapaci virtutis ingenio,
 Philo. l. de suæ mentis radices ex Philonis effato sideribus
 eo quod ce- infixas semper ostendit; admirabili scientiæ vir-
 ter. pot. in- tutem subnectens singularem; vt proinde in eius
 fid. paulo elogio laborandum mihi non fuerit (quod eue-
 ante med. nit in sapientum laudibus plerumque) vt exiguus
 aliquis pietati locus daretur. excresecet nimirum
 in

in Volumen Oratio, & laudatori dies potius quā res gestæ deessent, nisi compendio, temporis breuitatē seruiens verboque omnia complectens dicerem, Gregorium tum se cæteris superiorem credidisse cum supra cæteros sapientia & virtute eminebat. Tanta æquitare cognita suis ereptus iterum inter insulatos Patres & ipse censor in eum cætum adscribitur, quem adeunt in ecclesiasticis beneficijs competitores. Inde librorum Iudex singulorum denunciatus, ut læsæ vel per ipsa duntaxat verba diuinæ maiestatis reos damnaret codices, ijsque peruicacem infami nota frontem inureret, in eum, quem *Indicis* vocant, conuentum est cooptatus. Audite iam quorquot estis monstra hæresum teterrima Luthere, Caluine, Oecolampadi, Beza, cæterique Gomorrhæo de grege putidiores sycophantæ; audite Cæsorem vestrum, Iudicem vestrum, Herculem vestrum Gregorium; effundite fædas loquacitates; cælo scandala iaculantes voces protrudite. Vnus Gregorius præfixo nigro  conatus vestros omnes eludet, infringet. Rupem inuenistis plus quam Marpesiam, ad quam rostrata vestra, & violenta puppis allidatur. Clypeum habetis qui vestras retundat hastas, & quidem amentatus in merentium capita roituras. Gurgitem denique nacti estis, ubi quæ saltuoso cursu prius ludere nauigia, miserè tandem forbeantur. Vos vero A. Grego-

Auson. In.
pedag.
Ascon. Ped.

Cic. in Brut.
e l. Cass.
Vlt. s. Aen

Cic. l. de
oratu

C

rium

rium ex Hæreticorum, & reliquæ gentium collu-
 uionis Iudice acerrimo, eorum etiam; quos sibi
 sponfos ad ciscit ecclesia *Episcoporum* nempe *exa-*
mini coram Pontifice adlectum suspicite. Mitto
 reliquos dignitatum gradus, ne diem longa enu-
 meratione extinguam. Vnum tamen & præci-
 puum quidem omittere non possum, ex quo quan-
 tus fuerit Gregorius certiori decempeda metiri
 valeatis. Cooptato in Amplissimum Ordinem
 Purpuratorum Patrum Eminentissimo Principi
 Vincentio Maculano, in magistri munere suffe-
 ctus est Gregorius, Atlanti nimirum non impar
 Hercules, qua quidem in re, non gratiæ, non amor,
 nõ suffragia tantū illi dignitatis gradū impetra-
 runt. Sed vna Gregorij virtus vna sapientia sapi-
 tissimū Pontificem VRBANVM OCTAVVM impulit,
 vt motu proprio Sacri vt aiunt Palatii Apostolici
 Magistrum Gregorium pronuntiaret. O testi-
 monium ad æternam tanti viri, commendatio-
 nem post sæcula perennaturum! O laudem cæ-
 teris omnibus anteferendam! scilicet hoc etiam
 tantæ sapientiæ debitum deesse non poterat, Nu-
 mini proximus Encomiastes. Tanti est A. vir-
 tutis habere laudatorem VRBANVM. Tanti est Pa-
 tres virum habere VRBANO dignum laudatore.
 Tuum ergo fuit ò Gregori, sic adiudicante Pon-
 tifice, Vniuersitatis magistrum agere? Si nimi-
 rum Poetarum in floribus, latens anguis occul-
 tum

tum virus machinaretur, tuum fuit noxium eius
 caput elidere: si Rhetorum inter venustates pro-
 caciore aliqua laderet Venus, prophanam re-
 mouere; si philosophico inuolutum pallio, stoi-
 cum dogma subreperet, sagaci excussione di-
 spungere. Tuum fuit cælo vagantes fraude mala
 siderum violatores in viam reducere; legum in-
 terpretes humanarum, diuinis legibus confor-
 mare. Tuum fuit calamis, typis, ingenijs, mien-
 tibus, pænè dixerim, ipsis, metas definire. Tuum
 denique ius omne litterarium in terris exercere.
 definant ergo gloriari te præfente, vel Hercules,
 vel Hercule non minor Alexander, quod ius in
 vnam Ciuitatem à Corinthijs oblatum accepe-
 rint. Conuolabant agminatim, vel ab ipsis toto
 diuisis orbe regionibus tuum ad tribunal litterati
 voluminum exercitus tuo censendi calamo, tuo
 nomine insigniendi. reuolabant in patriam tui
 vexillum Nominis præferentes, hoc vno se libros
 liberos gloriantes, quod tui notam nominis, non
 feruitutis, sed libertatis indicem inscriptam fronti
 possent ostentare. O, nulli dynastarum conces-
 sam potestatem, Gregorij magisterio dignam,
 quod vno duntaxat fronti præfixo charactere li-
 beram totius mundi peregrinationem indulget.
 nulla proinde de te pagina silere poterit, quando
 vix vlla tuo nomine caret: nulla non laudabit
 lingua quando Vaticani Principis diuina prope

Lact. in-
 diog. & Te-
 nill. de
 Pa. l.

Horat. l. i.
 od. 3.

Prut in vica
 Alex.

Virg. eclogi
 l. 13.

Red g. l. 7.
 c. 33
 Plin. l. 14.
 c. 3.

facundia commendaris :

Silerē hic ego venerabundus vbi patefacta Vatica-
 nici Cortina Vicarium in terris Dei Oraculum
 eloquitur & glorioso nomini hanc vltro cogno-
 menti gloriosioris attexit appendicem, *Gregorius*
Donatus Sacri Palatii Apostolici Magister. Silerem
 inquam, nisi Virtus, quam è doctrinæ semente
 fructum erumpentem dixit Seneca, has me in
 voces amabili violentia erumpere cogeret. O di-
 gnam tanto magisterio mentem, quæ non fuca-
 tam & vinbratilem sapientiam ambitionis mer-
 cimonio venditabat, sed Deo acceptam obsequen-
 tissimo labore referebat.

Sente. in-
 sp.

At ò nimis angustos humanæ felicitatis ter-
 minos ! ò vitrea hominum vota ! adeonè melio-
 ris virtutis amans cœlum est, vt eam diu terris
 nolit concedere ? adeone temporum intemperies
 ijs parcere non nouit, qui æternitati pretium
 sunt addituri. Inuida proh nimium mors ? si
 cæca falcem intorques, qui sit, vt semper di-
 gniora, & altiora demetas capita ? Verum eni-
 muerò quæ in Gregorij vita pietas enituit, cla-
 rius postmodum effulsit in morte. Decumbebat
 graui, & mortis prodromio morbo Gregorius,
 sequē mortalem (quod sæpe meminerat) doctus
 experimento, ad immortalitatem contentis-
 simo spiritu anhelabat, qui à primis annis in
 mortis rudimentum vixerat ; ac qua mente po-
 stre-

stremam illam beatæ vitæ periodum meditabatur ! qua voce laudum tributa deo soluebat exacta fide ! scilicet æstuabat pectus illud peccatorum odio magis assuetum , quam culpæ , & iteratis suspirijs lesum suum , (suum fortasse hæredem pronuncians) pleno ore proflabat . Independentis e cruce Numinis tenax , pedes in hominum salutem cruentatos repetitis terebat osculis , & pertinaci pietatis spiritu , longioris adhuc vitæ spem insinuantibus amicis , ore ad risum composito , vocibus gaudio grauidis , iam iamq. magnum aliquid parituris , confidentissimè inclamabat sapius in hæc verba , quibus pietatem detraxerim , si quid addidero de meo , *deposui* (aiebat) *spem meam in Deo meo, faciat Deus quicquid voluerit de hostia sua, etiamsi occiderit me sperabo in eum* . Condonet iam viro sapienti dolorem Aristoteles de vitæ iactura , ridebit Gregorius : Arist. l. 1. c. 9. quippe tamdiù intèr viuos mortuus, dolere mortem non potest . O verè *ante vitia mortuum* hominem ! ò dignam Deo victimam ! Tu interim Gregori , Patribus in magisterium mortis accersitis , culparum petita indulgentia , opportuno ad peregrinationem commeatu , & viatico munitus , quod reluctante corporis imbecillitate lecto sponte profiliens excepisti , teq. vitaq. tua iam maior , tertium à sexagesimo agens annum inter omnium lachrymas serenus, qualis decebat tan-

Senec.

Clem. Alex.
3. pæd. c. 9.

tantam mentem, vultu, oculis, ex medicorum præscripto, in somnum compositis (dicendum tandem est A. licet refugiente lingua) optima tui parte euolasti, & verè vitam cum somno diuidens, obdormisti in domino. Ereptus igitur est oculis mortalium, qui in omnium oculis ferebatur, dum omnium in sese oculos conuertebat. Vixit Gregorius Donatus, quem (ut aiebat ille) aut omnibus sæculis nasci oportuit, aut nunquam denasci. Vixit vestrum Amor Patres. Vixit etiam, (quod sine palmari ingrati animi nota præterire non possum) nostræ Societatis amantissimus; Cælo siquidem eius virtus debebatur meritis theatrum nata terris nobilius. Acerbam tamen & importunam mortem dicerem, si mors illa dici posset acerba, quæ integerrimæ vitæ non impar clausula est. Si importuna quæ Cæli proximam largitur opportunitatem.

Vnum in te Gregori desiderandum reliquisti quod sapientes omnes excruiat. Tuos in Aquinatem Thomam, tuos de Deo legislatore commentarios, hoc est ipsam Theologiæ medullam, ipsam cor sapientiæ. At fortassè tenebras adhuc amat Gregorius, qui clarus tum maximè fuit, cum latere cepit. Prodeant vero in solem, suaque luce diem ingeminent tam splendidi sapientiæ partus, & posthumam saltem parenti suo pariant gloriam. quamdiù premitis Patres non tegenda?
quid